

*Sie Tahfuh Singucul  
ac Mwe Sang Ke Lalo*



*“Use nohfohn luhpan sie tahfuh  
singucul lowos an nuh ke iwen  
fihlma, . . . ac ahkpwacyeyiuc  
kac inge na, Leum El fahk, Nga  
fn tiac ikacslah nuh suwos winto  
inkuhsrao, ac okwacoht nuh suwos  
mwe insewowo se, lah ac tuhfeh  
wacngihn acn fal in nacnwack.”*

**Malakai 3:10**

Pahpah tomowos Inkuhsrao El luhngse kowos ac kena ahkinsewowoye kowos ke ip nuh kwewa ke moul lowos an. Masap El sang nuh sin mwet pahluh Lal uh ac fah kahsrwe kowos moulkihn sie moul engan. Masap in moli sie tahfuh singucul, ma fohlohkihnyuckyak sel Mwet Pahluh Joseph Smith, usot nuh suwos pacl wowo in wi muhsaheack tohkohsrahi luhn God fin facluh. Ahkostwen nuh ke masap se inge enenweyuck nuh ke pacptais nuh ke Alu luhn Jisus Kraist luhn Mwet Luhlahlfongi ke Lwen-sahflah.

*Mwe insewowo yohk uliyuckyang nuh sin mwet suc ahkos masap in moli sie tahfuh singucul uh.*

### *Meac Sie Tahfuh Singucul?*

Sie tahfuh singucul pa in sang sie singucul ke ma mwet se eis ke orekma lal nuh ke Alu luhn God. Masap se inge etweyuck ke pacl luhn Wuhlweacng Mahtuh ah. Mwet pahluh Malakai el luti ke ma yohk srihpac luhn sie tahfuh singucul ac mwe insewowo ma tuhkuh ke ahkosyen masap se inge:

“Use nohfohn luhpan sie tahfuh singucul lowos nuh ke nien fihlma, . . . Srihkeyuc ac kowos fah liye ke nga ac ikacslah winto inkuhsrao, ac ukuiyac nuh fowos kain ma wo nuh kwewa, in arulacna yolyak nuh suwos.”  
(Malakai 3:10).

Ke yac 1838 Leum el sulpac fahkwack ke masap se inge nuh sel Mwet Pahluh Joseph Smith:

Leum El fahk lah mwet Lal enenuh in moli sie tahfuh singucul ke kap lalos ke kais sie yac. Pa inge masap kuh se nuh selos nwe tok uh (Liye Doctrine and Covenants 119:3–4). *Kap* etweyuck muh pa mani ituck uh.

Sie tahfuh singucul lowos an muhtahl sin Leum, ac kowos Ahkfuhlwactyacl in moli sie tahfuh singucul. Moli sie tahfuh singucul pa sie ahkkahlwemyeyacn luhlahlfongi lowos nuh sin God ac orekma Lal.

### *Efuh Enenuh Ngan Sang Sie Tahfuh Singucul?*

Ma wo nuh kwewa ke moul lowos an pa sie mwe sang se sin Pahpah pahkotwen tomowos Inkuhsrao. Ke kom sang sie singucul in fohlohk nuh Sel, kom ahkkahlwemye luhngse, luhlahlfongi, ac srui lom. Kowos ahkkahlwemye nuh sin God lah kowos fah Ukwac finne ke pacul upac; kowos ahkkahlwemye nuh Sel lah kowos fah luhlahlfongi ke El yohk liki mani kuh ma luhn facluh uh. Ke srihpen luhlahlfongi yohk lowos, Pahpah tomowos Inkuhsrao El olwelah nuh suwos mwe insewowo suc yohk liki ma nuh kwewa kom kuh in sang an.

Ohinge upac nuh sin kuhtuh mwet uh in luhlahlfongi lah elos kuh in ahkfalye sie tahfuh singucul ke mani lalos, mwet luhlahlfongi ke sie tahfuh singucul etwacalah lah elos tiac kuh in tiac ahkfalye sie tahfuh singucul. Ke ma na pwacye ac inkacnek wolacna, winto luhn inkuhsrao ikacklah, ac mwe insewowo uh okwoklac nuh faclos. Oacna ke sie katinmas ahkuhtweyac nuh







sin wen se nahtuhl, “Nga tiac kuh in [tuhfwe kowoslac] liki mwe in sewowo luhn Leum, ac nga eis mwe in sewowo inge ke moliacn sie tahfuh singucul pwacye. Ke nga moli sie tahfuh singucul luhk uh, nga eis olwelah luhn Leum lah El ac ahkinsewowoye kuht, ac kuht enenuh mwe in sewowo inge kuht fin luhngse akarihngihni”

(Dallin H. Oaks, *Ensign*, Mei 1994, 33).

Kuh luhn nguhn tuhkuh ke kom fungyang nuh sin Leum. Ke kuht sun pacl upac luhn mouh uh, kuht enenuh ahkyohkye luhlalhfongi, moklweyuck, ac puhlaik. Mwe in sewowo inge kuh in ukuiyucklac liki winto luhn inkuhsrao ke srihpen ahkostwen luhn masap luhn sie tahfuh singucul uh.

In weacng pac, mwet pucspucs konwacack lah ke srihpen eltahl oaru in ahkfalye sie tahfuh singucul elos kuh in orwaclah elyah ke mani ac mwe enenuh lalos kwewa. Moliyacn sie tahfuh singucul luti kuht in kutong kena lasr ke ma luhn facluh ac in pwacye nuh sin mwet wiyacsr uh. Kuht elangwack in luhlalhfongi ke ma kuht eis, ke mwe in sewowo luhn Leum ac orekma oaru lasr sifacna, pa fal nuh ke mwe enenuh lasr uh.

*Moli sie tahfuh singucul ahkkahlwemye luhlalhfongi lom ke Jisus Kraist. Ke kom luhlalhfongi in El, kom ac eis kuh, kobyuck, ac ahkweyeyuck kom enenuh ke mouh lom uh.*





Tiac elyah ke luhpan mani kowos sruokyac an, kowos ac tuhfeh ahkinsewowoyeyuck ke kowos moli sie tahfuh singucul an. Ke Jisus el liye muhtwacn se fihliyac ipin mani srihsrihk luo ke nien mani luhn tempuhl, El fahk nuh sin mwet tuhmal lutlut Lal, “Katinmas suhkahsruh p se inge fihliyac yohk, liki nuh kwewa suc fihliyac ke tahkma: Tuh elos nuh kwewa fihliyac ma elos srelah liki ma pucspucs lalos; ac el . . . el sang ma lal nuh kwewa, ahok nohfohn ma oasr yohrohl” (Mark 12:43–44).

## *Sie Tahfuh Singucul Uh Orekmakihn Fuhkah?*

Sie tahfuh singucul pa masap se luhn Leum ke ip luhn mani ke Alu Lal. Mwe sang luhn sie tahfuh singucul orekmakihnyuck ke srihpac luhn Leum pacl nuh kwewa, suc El ahkkahlwemye ke sie kahsrub luhn mwet kuhlwacnsap Lal uh. Kuhtuh ma orekmakihnyuck inge pa:

- Muhsahi ac karihngihn tempuhl, lohm alu, ac lohm sahyac luhn Alu uh.
- Tahpohk mukwikwi ac orekma luhn u ke Alu luhn acn sesr uh.
- Tahpohk prokracm luhn Alu uh, wi lutlut ac sukyacn sramsram mahtuh luhn sucu.

Mwet se sifacna moli sie tahfuh singucul uh, ac ma etweyuck ke mwe sang uh karihngihnyuck ke lukmac.



WELLS CHURCH

## *Lalo ac Mwe Sang ke Lalo*

In weacng pac nuh ke molin sie tahfuh singucul, sapkihnyuck nuh sesr in sang kuhtuh ma lasr in kahsrüh mwet suhkahsrühp ac enenuh. Sie ohiyac in oruh ma inge pa lalo ac tiac eis ke mwe mongo ac nihm ke lusen pacl in mongo luo. Leum el fohlohkohnwack ip yohk ke lalo nuh sel Mwet Pahluh Joseph Smith, ac Alu uh sulwaclah Sacnri se ke kais sie mahlwem in oruh sie lwen in lalo. Lalo, suc ma ahkkahlwemye se ke alu pwacye uh, sie pacl wowo in ahksasucye ip luhn nguhn ac kapwack fototoi nuh yurin Pahpah tuhmasr Inkuhsrao.

Ke ip luhn lalo uh, mempucr luhn Alu uh sang ma fal ke mwe sang ke lalo in karihngihn mwet suhkahsrühp ac enenuh. Mwe sang inge enenuh in apkuhran nuh ke molin mongo ke pacl in mongo luo luhn mempucr ke Alu uh ke elos tiac mongo ke pacl in lalo. Mani inge orekmakihnyuck in sang moli mongo, iwen muhta, ac ma enenweyuck sahyac nuh sin mwet suc enenuh, kwewana fin acn suwos sifacna ac facluh nohfohn.

Wacngihn luhpah fal oreklac nuh ke mwe sang luhn lalo uh. Ke kom sang pwacye nuh ke mani orekweni inge uh, kom ac ahkinsewowoyeyuck kwewana ke ip luhn nguhn ac mahno ke kena lom in kahsrüh mwet sahyac uh.



1187401181 82822675 16 29 2208

82120627

20x x 16

Grav Wt: 2.1 Kg

Net Wt: 2.0 Kg





## TAHFWEYACN MWE LUTLUT

Kihsen siyuck ac ma suhmuhslah ten inge fah kahrse kowos motko yohk ke ip yohk ke puk srihsrihk se inge. Nacmpuh srihsrihk ac ma kahlwem lun ma suhmuhslah uh fah usot nuh sum tahfweyacn pohloh fahk ac mwe kahrshuh ke ip yohk inge.

### **Efuh sie tahfuh singucul uh yohk srihpac?**

Leviticus 27:30 (Pwacpuhl, Wuhlweacng Mahtuh)

Luk 12:16–21 (Pwacpuhl, Wuhlweacng Sasuc)

### **Mwe inewowo fuhkah tuhkuh ke moliyacn sie tahfuh singucul uh?**

Malakai 3:8–12 (Pwacpuhl, Wuhlweacng Mahtuh; liye pac 3 Nephi 24:8–12, Puk luhn Mormon, sra puk 455)

Mattu 6:31–33 (Pwacpuhl, Wuhlweacng Sasuc; liye pac 3 Nephi 13:31–33, Puk luhn Mormon, sra puk 435)

“Tithing,” *True to the Faith* (Misineri kuh mempucr luhn Alu uh kuh in kahrsekowos eis sie kapi ke puk se inge. Kom kuh pac in konwacack ke internet [www.mormon.org](http://www.mormon.org).)


### **Nga kuh in kahrshuh mwet suhkahrshuh ac enenuh uh fuhkah?**

Isaia 58:6–7 (Pwacpuhl, Wuhlweacng Mahtuh)

Mattu 19:21 (Pwacpuhl, Wuhlweacng Sasuc)

Mosiah 4:26 (Puk luhn Mormon, sra puk 157)

# Meac Nga Fah Oruh uh?



- Tahfwelah rityacn Puk luhn Mormon an.  
Mwe rit tohuyak uh: \_\_\_\_\_  
\_\_\_\_\_
- Muhtwacwacack ahkfalye sie tahfuh singucul fohnlah.  
Pruhe ke kahsrüh in karihngihn masap se inge.
- Wi alu ke Sacnri uh.
- Tahfwelah in ahkolah nuh ke pacptais.  
Lwen in pacptais: \_\_\_\_\_
- Muhtwacta nuh ke [www.mormon.org](http://www.mormon.org) in lutlutkihn yohk ke Alu luhn Jisus Kraist luhn Mwet Luhlahlfongi ke Lwen-sahflah.
- Tahfwelah in ohsun nuh sin misineri an in etwacalah ma yohk ke ohiyacn masap luhn God kuh in ahkinsewowoye moul lowos an.

Ohsun se tok an: \_\_\_\_\_

Ine ac nacmpuh in tacluhfon luhn misineri:

---

---

---

---

---

ALU LUHN  
**JISUS KRAIST**  
LUHN MWET  
LUHLAHLFONGI LAL  
KE LWEN-SAHFLAH

[www.mormon.org](http://www.mormon.org)

#### Petsac in Akihnyuck

Acn met ke kolon puk, ip srihsrihk ke *Christ and the Rich Young Ruler*, sel Heinrich Hofmann, Courtesy C. Harrison Conroy Co., Inc.  
Sra Puk 5 sel Hyun-Gyu Lee. © Hyun-Gyu Lee  
Sra Puk 8, ip srihsrihk ke *All That She Had*, sel Simon Dewey. © Simon Dewey  
Sra Puk 13 sel Wei-Siang Wang. © Wei-Siang Wang

© 2012 sel Intellectual Reserve, Inc. Kuh ac suwohs nuh kwewa fihilyucki. Sihmlac fin acn USA.  
Ahkkweyeyucklac ke kahn English: 2/06. Ahkkweyeyucklac ke lweng: 2/06. Lwenglah luhn  
*Tithing and Fast Offerings*. Kosraean. 01143 868

KOSRAEAN



4 02011 43868 9

01143 868